

2026
RUANGMEI
(Modern Indian Language)
Full Marks : 100
Pass Marks : 33
Time : Three hours

Thaylou khang:

- (a) *Latthanv che hei kalangv kathumh A, B khatnic C twna khaklangclou e.*
- (b) *Latthanv kaguayna tuang full marks nzat biak margin khou lyanlou e.*
- (c) *Latthanv kaguayna hei nuhkamv nang raana latkaeng piuna daw o.*

SECTION - A

(PAHMEI KHATNIC SOURCE-BASE)

1. **Latdangv hei pac lana latthanv guay hei latkaeng 25-30 dou khou daw o: 2×5=10**

Kandih khou lunghmei manseina hei kakhang khang chamei phybamv maekna nuh mak ge. Phybamv hei kazaat baicbaicna nai e. Thowkumhmei rui charuange rui champouhloumei, taanvdaih, bamvdaih taanv taanc e. Tu khang zangv khang gaat makna lungc e. Kaniw guay kiu charuange khang ngumhrou cho? Hamh e. Kaniw nic pumh tuang naat akhat twmei kiu na de. Thowkumhmei rui charuange rui kahaw makmei taanv tiki charuange khang tho kage nai twmei taanv taanc e. Meic thing meic tauc puanc phicna lunghmei, mphuam tanaatcmei sw nthanmei, mi kumhmei taanv guay kariuna lunghmei ta charuange phybamv kaw e. Maansei rui makulou tiki makuloumei hyangryan tei tho lungcku tange ngam mak twmei nic nai muay e. Nthyam takhaw lana daihmei lwn sw niime, meic daihmei sw lana nthyammei lwn swna lunghmei nai - mi hei maansei chwn baibaihmei kiu e. Lunglwan anaa maih bam sihnic kakhou naime khou tei pianthayna lunghmei hei gay liang the. Maek sihnic neihlaa thaymei rui meicdaihmei swna zaengsiina bammei suange gay e. Mi hei e damcloumei panty kabac lungcpatmei twmei kiu!

P.T.O.

- (a) Hymei rui charuangc tuang ngumhrou kiu twkumhpui mei ta khwang e ning khwan cho?
- (b) Maansei khang phybamv baicbaicna taanhmei kiu tabuibui taanv cho?
- (c) 'Charuangc phybamv' twmei tabui ta cho?
- (d) Maansei chwn hei twkumhmei thiak khou baicbaic cho?
- (e) Twkumhpui panty ta damcloumei kabac lungcpatmei e twna hymei rui saa cho?

2. **Latdangv hei pac lana tiilou bammei latdaw padeih pang khou rui nchumh liangmei latdaw kapahna hypat ro:**

1×2=2

(a) 'Kasuc sw liangmei' twmei lev nchamcmei latkaeng latdangv khourui kapah pat ro.

- (i) Ngumhrou
- (ii) phybamv
- (iii) Lunghlwan
- (iv) meicdaihmei

(b) 'Charuangc' twmei nchoumei kabac (antonym) hy pat ro.

- (i) bamvdaih
- (ii) ngumhrou
- (iii) charai
- (iv) hyangryan

3. **Latdangv hei pac lana latthanv hei latkaeng 30-35 dou khou daw o.**

3×1=3

Science rui maansei khou khatni charuangc khou tii bammei thuat hei kwm ching phay ruhna chakui khou nkauhmei hyangryan ku tangc khwan e. Mi lam kiu thu science rui ravzauhpuui lwan, maansei ta ti-amanvloumei na hambna taanv guayna khou chiwna khatni katumcna taanc ngammei pumtan kazauh khourui e. Kum tina Science lev Technology hei maansei panty khou khatni maansei charuangc khou kasuc swmei phaydyng akhat swna ding kan the. Maansei ningtyng rui daicthau saengcthaumei khang ranvna karamc bam e tihkie science hei rui nthuk ranvmei dam laa bam e. Mi ruc khou, science hei rui chalumh puatrith khourui tiduakpatlou khwan e. Nyanmei kwm ching phay ruhna padeih khou rui *mechanical clock* kasiamh patna maansei khatni charuangc khang kaganv piupui thiak hei guang khwan e. Kwm 1450 khou German khou Johannes Gutenberg rui *printing machine* phungcpatlou khou tei rui mbaanv kapwmna khou namloumei latrik mphangna ravchap, dihlwan khatni science lev kariang naimeini ningtyng dinc ndauh khang kadam daicna laalou kan e. *Printing machine, mariner compass* khatni

gun powder phungcpatlou khourui mbaanv kapwm nammei latrik ti-mphang towmei, duipui khou lanvguanh lanvdaenghmei khatni rih naatnu khou charynna kalaic guangmei how the twna Francis Bacon rui kachwn ndauhrou khwan e.

- (a) Maanseina khang science rui phunge guangloumei kalaihmei kiu tabuibui cho?

SECTION - B
(HYMEI KHATNIC LATRIAK)

4. Kabangc khou tiiloumei latbamv hei tiiloumei Outlines sinswna Essay latkaeng 180-200 dou khou hy o. 7

- (a) Computer Zuk khou Nchamnac

[**Outlines:** *Kahouhmei – Computer Zuk khou nchamnac khang chakah gaymei – Siimei lev gaymei – luailoumei*]

Hamhethai

- (b) Luangmai ramchaeng

[**Outlines:** *Kahouhmei – Luangmai tabui twn – Tabui zaeng chaengc bam tuang – tichu key nuhmei lwan – luailoumei*]

5. (a) Bamgayzaengc tuang zaengclau akhat khou tingkwm tuang nap tinc 300 mbu laupah lungc khou guang peiclou bammei ta lwn thay makmei thow kumhmei rui mai ntouloumei ta nang howna lungc hamh hak khwan the. Mi lam hei 'The Dihchamv' tuang chamvche khou ndauhpat khang latkaeng 100-150 lungc khou hypat ro. 5

Hamhethai

- (b) Makaamv Higher Secondary School tuang tingkwm tuang ndauhpatmei Magazine akhat khou ndauhpatlou khang 'Pumh gaymei hei lanv daih e' twmei article akhat latkaeng 100-150 lungc khou hypat ro.

6. (a) Gaengcluanh kailuanc khou lungcmei Huayneyguang Rwangmei the twna nang ning tho. Don Bosco Higher Secondary School tuang Principal Madannguanc Gaengmei khou Office Assistant taanv bamv khang huaymei nang tuang BIO-DATA kazauhmei taddyn akhat hy o. 5

Hamhethei

- (b) Rhema Public Academy, Khumhzy Students' Union tuang General Secretary Luh Diaugayna Phaomei rui katuang dinhmei guay khang Teachers' Day tingmik tuang Invitation card akhat hypat re. Mi kabaimei latkaeng kiu ningna hypat ro.
7. (a) Luangba kaithyan khou Latrik zuanhmei dukaan akhat laanepat khang Kalwngaypou Kaamhmei rui advertisement akhat chamvche khou patlou niina ning bam e. Mi advertisement kiu tukumh hy nina cho ningna hypat ro. 4

Hamhethei

- (b) Khanghsinlung Hr.Sec.School, Gaydymzaengc tuang nchamnac nunc rui Khoupum hei nthan thinghmei nzaengc akhat sw khang *poster campaign competition* akhat raengh e. Mi poster nunc kiu twkumh hy ni cho makumhna poster kanei kathumh hypat ro.
8. Tiiloumei latbamv khou rui AKHAT kapah lana latkaeng 100-120 dou khou hykingc pat ro (Amplification): 4
- (a) Kamwang na sihnic kabaley.

Hamhethei

- (b) Ruayduic kwmtwan nchow mak ge.

(LATRIAK/GRAMMAR)

9. Tiiloumei latrian kanei khou rui bumkeymei khwangwan madanhmei latkaeng hypat ro. 1×2=2
- (a) Sii kasangv hoh-ho e.
- (b) Gaymei tho sii mak ge.
10. Tiiloumei latthanv nei hei latrian akhat khou daw o: 1×2=2
- (a) Ruanglat khou consonant khwan azuh nai cho?
- (b) Ruanglat Consonant khwan hiak ni sw, khwangwan madanhmei hiak ni sw twmei hiak akhat hypat ro.

11. Latthanv hei pac lana tiilou bammei latdaw padeih pang khou rui nchumh liangmei latdaw kapahna hypat ro: 1×6=6

(a) 'Kalwngaylu kalwn howgay e.'

Mi latrian tuang kidaamei gat (degree of comparison) hei

(i) Positive degree e. (ii) Comparative degree e.

(iii) Superlative degree e. (iv) Adjective degree e.

(b) 'Kalwngayliu kalwn gay hian e.'

Mi latrian tuang kidaamei gat (degree of comparison) hei

(i) Positive degree e. (ii) Comparative degree e.

(iii) Superlative degree e. (iv) Adverbial degree e.

(c) "Aluang langvna hah lahla e." Mi latrian khou 'lahla' hei

(i) latmii e. (ii) latpaa e.

(iii) latriannac e. (iv) latthiap be.

(d) 'Guaih-bangh' twmei kabac hei

(i) Syan-lanv khatnic nap-bi ta saa tw e.

(ii) Swsimei guaic ta bange ntiploumei ta e.

(iii) Meiczak hak ge – twmei e.

(iv) Guak-guaih siamruai swmei tw tuang e.

(e) "Pykypou kabaanc saenge e."

Mi latrian khou 'baanh saenghmei' twmei kabac hei

(i) houhmei ta e. (ii) nkamhna laamei ta e.

(iii) nkamhna kazapmei ta e. (iv) Nchumh ngam de.

(f) "Tinggaanh khou kamik how la makna katham kathuina tat guang e."

Mi latrian khou rui Kazi Latpaa kiu

- (i) 'Tinggaanh khou' twmei hei e. (ii) 'kamik how' twmei hei e.
(iii) 'katham kathui' twmei hei e. (iv) 'tat guang' twmei hei e.

**SECTION - C (LULAT/LITERATURE)
(LATCHYAM/PROSE)**

12. Latthanv hei pac lana *AKHAT* kapahna latkaeng 60-70 dou khou daw o: $5 \times 1 = 5$
- (a) Khanghlayneic rui puinau puidaa swna kata tiakti raitina lungclou kanmei lam tei hy o.
(b) Machunhna rylou kanmei khumhthai tei twkumh amaan kan tu cho piakna hy o.
13. Tiiloumei latthanv khou rui *KANEI* kapahna latkaeng 40-50 dou khou daw o: $3 \times 2 = 6$
- (a) 'Nang hei chagianghmei ntumei e. Maniampuyemei mauc e.'
Zianchuylu ta tabui zaeng kapouc kaneic rui 'maniampuyemei mauc' twna kaw kan tu cho?
(b) Zadimbut thange Gayriamang namvdow tat khou twkumh kan cho?
(c) Tauraenghluange tuang Chwnchamc Ngai khou kailuangcmei zaw how ntangh kan makmei hei thow khuay zaeng rui cho?
14. Tiiloumei latthanv khou rui *PANGUH* kapahna latkaeng 25-30 dou khou daw o: $2 \times 5 = 10$
- (a) Muantha kailuange khou Gayriamang changamcna khatnic meiczakna lungc bammei tei tabui zaeng rui cho?
(b) Gaynailungc lev Niamhthayna kakailau dy nungc tabui zaeng khang zaengsii bam tu cho?
(c) Ramhngampou rui karaana katauc bamv daancelou tikhou rui tabui pat kan cho?
(d) Hypeic mang thange namvpeic ta twkumhmei lwnlung khou manv kan cho?

(e) 'Taanc nimei taanv khou chalingdingna karamhmei' twmei hei tabui e twna hyme
rui saalou cho?

(f) Guilianneic lam khou duina hy o.

15. **Tiiloumei latthanv hei latrian akhat khou daw o:** 1×2=2

(a) Ntumeinac nunc ta kanac puanc nuhpui ganv di the twmei hei twkumhna thaypat
tu cho?

(b) Ningthy Phwnguange namv hei tabui zaat rui lungclou khwanmei kailuange cho?

16. **Latthanv hei pac lana tiilou bammei latdaw padeih pang khou rui nchumh liangmei
latdaw kapahna hypat ro.** 1×2=2

(a) Gayriamang tabui kailuange khou theiclou kan cho?

(i) Puiluanh

(ii) Sairiam

(iii) Muantha

(iv) Zurumluange

(b) Ntu-nggaanv kariu khou rui naengvmei ravpuat hei

(i) Gonorrhoea e

(ii) Diarrhoea e

(iii) Diabetes e

(iv) Hypertension e

(LUCHYAM/POETRY)

17. **Latthanv hei pac lana AKHAT kapahna latkaeng 60-70 dou khou daw o:** 5×1=5

(a) Aguc lev Alangh duiriang tuang howgaymei luchyamhyme rui twkumh dinclou
cho hypat ro.

(b) 'Nruna Nac' tuang luchyam khou Nkhamhmei latzan lev mansei latzan tuang
baicnahmei tabuibui cho hy o.

18. **Tiiloumei latthanv khou rui KANEI kapahna latkaeng 40-50 dou khou daw o:** 3×2=6

(a) "Pac hay geic hay, piu hay nai hay bam"

Luchyamhyme rui Kandih Gaanphiu khou 'pac hay geic hay, piu hay nai hay'
bammei kiu tabui-bui ta cho?

(b) 'Lunge e khoutei kagai thayna'

Luchyamhyme rui ntiangbw ta kagai thayna lungc e twna tabui zaeng saa bam tu
cho?

(b) *'Nkhwan lian lak khe mi khang tei.'*

Nruna Nac rui nkhwan lian lak bammei kiu tabui ta cho?

(i) Nkhamhmei latzan

(ii) Kapui Kapu

(iii) Mansei latzan

(iv) Theihmei